



# 4 reprezantan distrik i ganny elekte

**S**e dernyen mwan ki'n pase, direksyon LDS in antreprann en legzersis pour elekte bann reprezantan dan bann distrik kot ti annan nesosite fer li. Anba bann gidans strikt Minister Lasante, eleksyon ti ganny fer e rezilta i swivan:

Roche Caiman – Kevin Lucas

Port Glaud – Alain Ernesta

Anse Royale – Expedit Raoul

La Digue – Mervin Cedras

Bann reprezantan i responsab pour lorganizasyon striktir e promosyon parti dan zot distrik ki enkli organiz bann aktivite pour promouvwar bann prensip parti ensi ki reprezant zot distrik dan bann aktivite ki parti i organize.

Bann reprezantan distrik pa pou neserman reprezant parti dan prosen eleksyon pour Lasanble Nasyonal. Par kont, zot kapab partisip dan prosesis seleksyon a moman apopriye kot posibilite zot ganny nominen i touzour la.

Lider parti e komite egzekitif i profit lokazyon pour felisit bann nouvo reprezantan e renouvle zot sipor anver zot tou.



*Expedit Raoul – Anse Royale*



*Mervin Cedras – La Digue*



*Alain Ernesta – Port Glaud*



*Kevin Lucas – Roche Caiman*

# Latitid lider US i danzere pour stabilite pei



**En dirizan ki demann son bann siporter pour met o-defi lafors lapolis e deklar bann ki fer li koman en ero, i en danze pou stabilite pei**

fer li koman en ero. I annan en gran diferans ant debout ferm pour defann ou drwa avek met lafors lapolis o-defi. Sa latitid met o-defi lafors sekirite i en formil pour trenn pei dan en katastrof. Nouvo lider US pe swiv dan lepa son Per Fondater. Tou Seselwa i konnen ki pei in pas ladan aköz sa latitid. Apre tou, en vre lider i mars an tet son latroup e non pa kasyet deryer e ensit vyolans.

**D**epi ki LDS in ganny eleksyon par en gran majorite, nouvo lopoziyon i totalman dan en leta fristrasyon. Nou konpran sa aköz pa fasil pour aksepte ki zot in perdi tou sa privez ki zot ti annan tou sa letan. Se pour sa rezon ki nouvo direksyon parti US in angaz li dan kreasyon diskord avek bi ensit en revolt. Annefe zot in deside servi menm taktik ki zot Per Fondater ti servi dan bann lannen swasant pou fer louvraz gouvrenman vin tre difisil. Sa kalite politik napa plas dan nouvo Sesel. Ozordi nou pe viv dan en Sesel kot i annan pa zis latransparans me osi tolerans pour lopinyon lezot. Nou tou nou konnen ki US zanmen in deza kontan latransparans e zanmen zot in

kapab toler kelken annan en lopinyon diferan avek zot.

Dan Sesel ozordi, tou dimoun in lib pou eksprim li. Pouse e peye par lopoziyon, en pti group dimoun in komans desann anvil pour proteste. Lademokrasi i fonksyonn koumsa prenan kont ki lalwa i ganny swiv. Dan ka kot sitwayen pa pe swiv bann regilasyon, sirtou dan sa moman kovid, lapolis pou bezwen entervenir dan lentere lape piblik. Dan bann ka parey, i toultan annan lesanz parol e kot i neserer dirizan politik i entervenir avek bi pour maintenir lape. Sa i responsabilite ki tou dirizan politik i annan.

I annan en vre danze ler en dirizan i demann son bann siporter pour met o-defi lafors lapolis e deklar bann ki

## US i konplent zot prop lenkonpetans

**S**i Sesel in deza annan en gouvrenman ki zis koze e pa fer nanryen, se gouvrenman US. Bann gro, gro dokiman lo stratezi e polisi in zis pran lespas lo letazer dan bann minister me nanryen pa'n arive. Sekreter Zeneral US, Msye Dick Esparon, in pran sa size lagrikiltir koman en legzanp pour montre nou mannyer son parti in fel pou garanti sekirite ali-

manter dan pei. I paret sa size i tre pre avek son leker ki in deside dedye letan pou fer tande son lavwa lo zournal.


Anba gouvrenman US,



Sesel in annan plizyer komite kree par plizyer prezidan pou garanti sekirite alimenter dan pei. Zot in menm kree Lazans Lagrikiltir e donn li manda anba lalwa pou garanti sekirite alimenter. Aköz ozordi pei i dan sa sitiasyon ki Msye Dick Esparon pe konplent san ses lo la ?

Msye Esparon in vwar tou sa bann demagozi e i fristre ki ozordi fermye Seselwa i annan plizyer defi aköz bann bon polisi e plan gouvrenman US vizavi lagrikiltir zanmen in ganny enplimante.

Nou dir avek Msye Dick: 'Pa trakase. Gouvrenman



LDS pou pran sa ki bon dan bann plan ki gouvrenman US in kit lo letazer e travay lo la pour byennet tou Seselwa.'

An atandan, Msye Dick i kapab fer resers lo en lot sektor kot US in fel e blanm LDS lo la dan son prosen konferans de pres.